

唐
音
統
籤

乙籤八十四蘇頌之二

唐音統籤卷七十四

五言排律

奉和聖製至長春宮登樓觀稼穡之作

帝迹奚其遠皇符之所崇敬時堯務作盡力禹稱
功赫赫惟元后經營自左馮變蕪杭稻實流惡水
泉通國阜猶前豹人疲詎昔熊黃圖巡沃野清吹
入離宮是閱京抵富仍觀都邑雄憑軒一何綺積
溜寫晴空禮節家安外和平俗在中見龍垂渭北
辭鴈指河東睿思方居鎬宸遊若飲豐寧誇子雲
從祗爲獵扶風

奉和恩賜樂遊園宴應制

樂遊光地選醑飲慶天從座客千官盛
場開百戲容綠塍際山盡綈一作翠幕倚雲重
上下花齊發周迴柳遍濃奪晴紛劒履喧
聽雜歌鐘日晚銜恩散堯人并可封

奉和晦日幸昆明池應制

炎曆事邊郵昆明始鑿池豫遊光後聖
征戰罷前規霽色清珍宇年芳入錦陂
御杯蘭薦葉仙仗柳交枝二石分河瀉
雙珠代月移微臣比翔泳恩廣自無涯

奉和聖製途經華嶽應制

朝望蓮花嶽神心就日來晴觀五千仞仙掌拓山
開受命金符叶過祥玉瑞陪霧披乘鹿見雲起馭
龍迴偃樹枝封雪殘碑石冒苔聖皇惟道契文字
勒巖隈

奉和聖製登太行山中言志應制

北山東入海馳道上連天順動三光注登臨萬象
懸俛觀河內邑平指洛陽川按蹕夷關險張旗亘
井泉曉巖中警柝春事下蒐田德重周王問歌輕
漢一作魏后傳宸遊鋪令典睿思起芳年願以封書

奏迴鑾禪肅然

奉和聖製途次舊居應制

潞國臨淄邸天王別駕輿出潛離隱際小往大來
初東陸行春典南陽卽舊居約川星罕駐扶道日
旂舒雲覆連行在風迴助掃除本行城邑望臯落
土田疏昔試邦興后今過俗僉予示威寧校獵崇
讓不陳魚府吏趨宸扆鄉耆捧帝車帳傾三飲處
閑整六飛餘盛業銘汾鼎昌期應洛書願陪歌賦
未留比蜀相如

奉和聖製經河上公廟應制

河流無日夜河上有神仙輦路曾經此壇場卽宛
然下疑成洞穴高若在空中煙善物遺方外和光繞
道邊事因周史得言與一作漢王傳喜屬膺期聖
邦家業又玄

恩制尚書省寮宴昆明池

同得
堯字

露渥灑雲霄天官次斗杓昆明四十里空水極晴
朝鴈似銜紅葉鯨疑噴海潮翠山來徹底白日去
迴標泳廣漁杖溢浮深妓舫搖飽恩皆醉止合舞
共歌堯

奉和聖製送張說上集賢學士賜宴

得茲
字

肅肅金殿裏招賢固在茲鏘鏘石渠內序拜亦同

時宴錫歡

一作勤

談道文成貴說詩用儒今作相敦

學舊爲師下際天光近中來帝渥滋國朝良史載
能事日論恩

奉和聖製幸望春宮送朔方大總管張仁亶
北風吹早鴈日夕渡河飛氣冷膠應折霜明草正
凋老臣帷幄算元宰廟堂機餞飲迴仙蹕臨戎解
御衣軍裝乘曉發師律候春歸方佇勳庸盛天詞
降紫微

奉和聖製漕橋東送新除岳牧

寶賢不遺俊臺閣盡鵷鸞未若調

一作安

人切其如

簡帝難上才膺出典中旨念分官特以專城貴深
惟列郡安政行思務本風靡屬勝殘有令田知急
無分獄在寬至言題瘠札殊渥灑仙翰詔餞三台
降朝榮萬國歡舉杯臨水發張樂擁橋觀式佇東
封會鏘鏘檢玉壇

奉和聖製答張說出雀鼠谷

雨施巡方罷雲從訓俗迴客途汾水微清蹕晉郊

陪寒着山邊盡

一作靜

春當日下來御祠玄鳥應仙

仗綠楊開作頌音傳雅觀文色動台更知西向樂

宸藻協

一作賁

鹽梅

奉和聖製幸禮部尚書竇希玠宅應制

尚書列侯第外戚近臣家飛棟臨青綺迴輿轉翠
華日交當戶樹泉漾滿池花圓頂圖嵩石方流擁
魏沙豫遊■聽履侍從昔鳴笳自有天文降無勞
訪海槎

奉和幸韋嗣立山莊應制

縱金寒野霽步玉曉山幽帝幄期松子臣廬訪葛
侯百工徵徃夢七聖扈來遊斗柄乘時轉台階捧
日留樹重巖籟合泉迸水光浮石徑喧朝履璜谿

擁釣舟恩如犯星夜歡擬濟河秋不學堯年隱空
令傲許由

秋夜寓直中書呈黃門舅

簾櫳上夜鉤清切聽更籌忽共雞枝老還如騎省
秋循庭喜三入對渚憶雙遊紫紱名初拜黃縑迹
尚留月舒當北幌雲賦直東樓恩渥迷天施童蒙
慰我求遲君台鼎節聞義一承流

扈從溫泉同紫微黃門羣公汎渭川

得齊字

虹旗映綠葦春仗漢豐西侍蹕浮清渭揚舲降紫
泥近臨石地遙指釣璜谿岸轉帆飛疾川平棹

舉齊傅舟來是用軒馭往應迷興闕

一作發

菱歌動

沙洲亂夕鷺

扈從鳳泉和崔黃門喜恩旨解嚴罷圍之作
輦路岐山曲儲胥渭水湄教成提將鼓禮備植虞
旗不取從畋樂先流去殺慈舜韶同舞日湯祝盡
飛時物應陽和施人知雨露私何如穆天子七萃
幾勞師

閑園卽事寄韋侍御

結廬東城下直望江南山青靄遠相接白雲來復
還拂筵紅蘚上開幔綠條間物應春偏好情忘趣

轉開憲臣饒美度

一作政

聯事情徂顏有酒空盃酌

高車不可攀

先是新昌小園期京兆尹一訪兼郎官數子
自頃沈痾年復一年茲願不果率然成章

獨好中林隱先期上月春閑花傍戶落喧鳥逼簷
馴寂寞東陂叟傳呼北里人在山琴易調開甕酒
歸醇佇望應三接彌留忽幾句不疑丹火變空負
綠條新鬪蟻聞常日歌龍值此辰其如衆君子嘉
會阻清塵

慈恩寺二月半寓言

二月韶春半三空霽景初獻來應有受滅盡竟無
餘化迹傳官寺歸誠謁梵居殿堂花覆席觀閣柳
垂疏共命枝間鳥長生水上魚問津窺彼岸一作鏡
迷路得真車行密幽閑靜談精俗態祛稍麻欣所
遇一作寓蓬籜愴焉如不駐秦京陌還題蜀郡輿愛
離方自此迴望獨躊躇

利州北佛龕前重於去歲題處作

重巖載看

一作戴清

美分塔起層標蜀守經塗處巴人

作禮朝地疑三界出空是六塵銷卧石鋪蒼蘚行
塵覆綠條歲年書有記非爲學題橋

曉發興州入陳平路

旌節指巴岷年年行且巡暮來青嶂宿輒去綠江
春魚貫梁緣馬猿奔樹息人邑祠猶是漢羅道卽
名陳舊史饒遷謫恒情厭苦辛寧知報恩者天子
一忠臣

敬和崔尚書大明朝堂雨後望終南山見示
之作

奕奕輕車至清晨朝未央未央在霄極中路視咸
陽委曲漢京近周廻秦塞長日華動涇渭天翠合
岐梁五丈旌旗色百層粉棹光東連歸馬地南指

鬪雞場晴壑照金祀秋雲含璧璫由余窺霸國蕭
相奉興王功役隱不見頌聲存復揚權宜珍構絕
聖作寶圖昌在德期巢燧居安法禹湯豕卿才順
美多士賦成章價重三臺一作台俊名超百郡良焉
知掖垣下陳力自迷方

奉和崔尚書贈大理陸卿鴻臚劉卿見示之
作

戲藻嘉魚樂棲梧高鳳飛類從皆有召聲應乃無
違美價逢時出奇才選衆稀避堂胎後政掃第一作
池發前幾出曳仙人履還薰侍女衣省中何赫奕

庭際滿芳菲吏部端清鑒丞郎肅紫機會心歌詠
是迴迹宴言非北寺鄰玄闕南城寫翠微參差交
隱見髣髴接光輝賓序嘗柔德刑孚已霽威巨源
林下契不速自同歸

奉和馬常侍寺中之作

怨暑時云謝愆陽澤暫偏鼎陳從祀日鑰動問刑
年絳服龍雩寢玄冠馬使旋作霖期傳說爲早聽
周宣河嶽陰符啓星辰暗檄傳浮涼吹景氣飛動
灑空煙颯颯將秋近沈沈與暝連分湍涇水石含
潁雍州田德施超三五文雄賦十千及私何以樂

明主敬人天

餞趙尚書攝御史大夫赴朔方軍

勁虜欲南窺

飛一作

揚兵護朔郵趙堯寧易印鄧禹

卽毛麾野餞迴三傑軍謀用

一作出

六奇雲邊愁

一作

看出塞日下愴臨岐拔劍行人舞揮戈戰馬馳明

年麟閣上充國畫

一作拜

於斯

同餞楊將軍兼源州都督御史中丞

右地接龜沙中朝任虎牙然名方改俗去病不爲

家將禮登壇盛軍容出塞華朔風搖漢鼓邊馬思

胡笳旗幟無邀正冠危有觸邪當看勞還

一作旋

日

及此御溝花

餞澤州盧使君赴任

聞道降綸書爲邦建綵旗政憑循吏往才以貴卿
除詞賦良無敵聲華藹有餘榮承四岳後請絕王
天初關路通秦壁城池繞一作接晉墟撰期行子賦
分典列侯居別望喧追餞離言繫慘舒平蕪寒蜚
亂喬木夜蟬疎寥泚秋先起推移月向諸舊交何
以贈客至待烹魚

陳倉別隴州司戶李維深

京國自攜手同途欣解頤情言正酌酌春物宛遲

遲忽背雕戎役旋瞻獲寶祠蜀城余出守吳岳爾
歸思歡愜更傷此春慙殊念茲揚麾北林徑跂石
南澗湄中作壺觴餞回添道路悲數花臨磴日百
草覆田時有美同人意無爲行子辭酣歌拔劔起
毋是答恩私

夜聞故梓州韋使君明當引綿感而成章

惻矣南鄰問冥然東岱幽里閤寧相杵朝歎忽遷
舟君心惟伯仲吾人復款遊對連時亦早交喜歲
纔周序發扶陽贈文因司寇酬詎期危露盡相續
逝川流卧疾無三吊居閑有百憂振風吹一作鼓

夕明月照帷秋蘚駁題詩館楊疎奏伎樓共將歌
笑歎轉爲弟兄留感物存如夢觀生去若浮余非
忘情者雪涕報林丘

御箭連中雙兔

宸遊經上苑羽獵向閑田狡兔初迷窟纖驪詎著
鞭三驅仍百步一發遂雙連影射含霜草覓消向
月弦歡聲動寒木喜氣滿晴天那似陳王意空隨
樂府篇

七言律詩

人日重宴大明宮恩賜綵縷人勝應制

疏龍磴道切昭回建鳳旗門繞帝臺七葉仙萸依

一作承

月吐千株御柳拂煙開初年競帖宜春勝長

命先浮

一作添

獻壽杯是日皇

一作最

靈知竊幸羣心

就

一作能

捧大明來

廣達樓下夜侍醑宴應制

東嶽封廻宴洛京西墉通晚會公卿樓臺絕勝宜
春苑燈火還同不夜城正覩人間朝市樂忽聞天
上管絃聲醑來萬舞羣臣醉喜戴千年聖主明

興慶池侍宴應制

降鶴池前廻步輦栖鸞樹杪出行宮山光積翠遙

疑通水態含青近若空

初云山光逼疑無地水態遙迎若有風時爲趙郡

李又范陽盧從愿所賞但未句又押風字故易之

直視天河垂象外俯窺

京室畫圖中皇歡未使恩波極日暮樓船更起風

奉和春日幸望春宮應制

東望望春春可憐更逢晴日柳含煙宮中下見南

山盡城上平臨北斗懸細草偏承廻輦處飛花故

落舞筵前

一作輕花微落奉前

宸遊對此歡無極鳥哢聲

聲入管絃

一作鳥哢歌聲雅管絃

奉和初春幸太平公主南莊應制

主第山門起灞川宸遊風景入初年鳳凰樓下交

天仗烏鵲橋頭一作邊敞御筵往往花間逢綵石時
時竹裏見紅泉今朝扈蹕平陽館不羨乘槎雲漢
邊

侍宴安樂公主山莊應制

駉駉羽騎歷城池帝女樓臺向晚披霧灑旌旗雲
外出風迴巖岫雨中移當軒半落天河水繞逕全
低月樹枝簫鼓宸遊陪宴日和鳴雙鳳喜來儀

龍池篇

兩京鳳邸躍龍泉佳氣休光鎮在天軒后霧圖今
已得秦王水劒昔常傳恩魚不似昆明釣端鶴長

如太液仙願侍巡遊同舊里更聞簫鼓濟樓船

寒食宴于中舍別駕兄弟宅

子推山上歌龍罷定國門前結駟來始覩元昆錡
玉至旋聞季子佩刀迴晴花處處因風起御柳條
條向日開自有長筵歡不極還將一作持綵服詠南

陔

扈從鄠杜間奉呈刑部尚書舅崔黃門馬常
侍

翠輦紅旗出帝京長楊鄠杜昔知名雲山一一
皆美竹樹蕭蕭盡不成羽騎將過持袂拂香車欲

度捲簾行漢臣曾草巡遊賦何似今來應聖明

贈彭州權別駕

雙流脉脉錦城開追餞年年往復迴
抵道歌謠迎半刺徒聞禮數揖
中台黃鶯急囀春風盡斑馬長嘶
落景催莫愴分飛岐路別還當奏
最掖垣來

春晚紫微省直寄內

直省清華接建章向來無事日猶長
花間燕子棲

鵲鵲竹下鷓鴣繞

一作宿

鳳凰內史漏宵承紫誥中

人落晚愛紅妝別離不慣無窮憶
莫悞卿卿學太常

景龍觀送裴士曹

昔日嘗聞公主

一作相

第今時變作列仙家池傍坐

客穿叢篠樹下遊人掃落花雨雪

一作雲

長疑向函

谷山泉直似到流沙君還洛邑分明記此處同來

閱歲華

五言絕句

奉和聖製過潼津關

在德何夷險觀風復往還自能同善閉寧路可無

關

山鷓鴣詞二首

玉關征戍久空閨人獨愁寒露濕青苔別來蓬鬢秋

人坐青樓晚鶯語百花時愁多人自老斷腸君不知

將赴益州題小園壁

歲窮惟益老春至却辭家可惜東園樹無人也作花

汾上驚秋

北風吹白雲萬里渡河汾心緒逢搖落秋聲不可聞

山驛閑卧卽事

息燕歸簷靜飛花落苑閑
不愁愁自着誰道憶鄉關

詠禮部尚書庭後鵲

時將重入蜀

懷印喜將歸窺巢戀且依
自知棲不定還欲向南飛

吊南華能大師

見張說集高僧傳作頽詩

大師捐世去空留法身在
願寄無礙香隨心到南海

詠死兔

紀事云瓌初未知頽頽擁篲庭廡間遺落

一日有客詣瓌文字客取視

乃詠崑崙奴詩云指如十挺墨耳似兩張
匙異之良久瓌出客以其詩問瓌何人豈
非足下宗庶之孽也瓌備言其事客驚訝
之請瓌加禮收舉瓌稍稍親之有人獻兔
懸於廊廡瓌召令詠之云云瓌覽詩異之
由是學問日新文章蓋代松廳錄云中
宗嘗召宰相蘇瓌李嶠子進見時皆童年
帝謂曰汝等各以所通書取宜奏吾者言
之頌應曰木從繩則正后從諫則聖嶠子
曰斯朝涉之脛剖賢人之心帝曰蘇瓌有
子李嶠
無兒

看
兔子死蘭彈持來挂竹竿試將明鏡照何異月中

七言絕句

夜宴安樂公主新宅

車如流水馬如龍仙史高臺十二重天上初移衡
漢匹可憐歌舞夜相從

一作逢

侍宴桃花園詠桃花應制

桃花灼灼有光輝無數成蹊點更飛爲見芳林含
笑待遂同溫樹不言歸

奉和聖製幸韋嗣立山莊應制

樹色參差隱翠微泉流百尺向空飛傳聞此處投
竿住遂使茲辰扈蹕歸

重送舒公

散騎金貂服綵衣松花水上逐春歸懸知邑里遙

相望事主榮親

一作樂事生榮

代所稀

逸句

飛埃結紅霧遊蓋飄青雲

紀事云長安盛遊春願製詩云云明皇嘉賞以

御花親插其巾

乙籤八十五

唐音統籤卷七十五

任希古字敬臣棣州人幼刻志從學舉孝廉爲弘
文館學士終太子舍人集十卷唐宋二志同今存詩四
篇

奉和太子納妃太平公主出降

帝子陞青陸王姬降紫宸星光移雜珮月彩薦重
輪龍旌翻地杪鳳管颺天濱槐陰浮淺瀨葆吹翼
輕塵

和東觀羣賢七月七日臨泛昆明池

秋風始搖落秋水正澄鮮飛眺牽牛渚激賞鏤鯨

川岸珠淪曉，鬼池灰斂曙。煙泛查分寫。

一作寫

漢儀

星別構

一作架

天雲光波處，動日影浪中懸。驚鴻絳

蒲弋遊鯉入，莊筌萍葉疑。江上菱花似鏡前，長林
代輕幄。細草卽芳筵。文華開翠潏，筆海控清漣。不
挹蘭樽聖，空仰桂舟仙。

和左僕射燕公春日端居述懷

豐野光三傑，媯庭贊五臣。綈綈歌美譽，絲竹詠芳
塵。聖曆開環象，昌年降甫申。高門非捨策，華構豈
垂綸。鳳邸搏霄翰，龍池躍海鱗。玉鼎昇黃閣，金章
謁紫宸。禮闈通政本，文昌總國均。調風振薄俗，清

教敘彝倫星迴應綈管日御警寅賓葉上曾愧變
花發小堂春思挂五都冕言訪北山中赫赫容臺
上下祀耀平津

和長孫秘監伏日苦熱

玉署三時曉金羈五日歸北林閑逸徑東閣敞閒
屏池鏡分天色雲峯減日輝游鱗映荷聚驚翰遶
林飛披襟楊子宅舒嘯仰重闌

乙籤八十六

元希聲河南人七歲善屬文舉進士累司禮博士
預修三教珠英景龍初終吏部侍郎集十卷

張說撰

集三
十卷
今存詩八篇

贈皇甫侍御赴都八首

東南之美生于會稽牛斗之氣蓄于昆溪有瑤者
玉連城是齊有威者鳳非梧不棲

猗嗟衆珍以况君子公侯之胄必復其始利器長
材溫儀峻峙

道心惟微厥用允塞德暉不泯而映邦國靜以有
神動而作則九臯千里其聲不貳

粵在古昔分官厥初刺邪矯枉非賢勿居稜稜直
指烈烈方書蒼玉鳴珮繡衣登車

綽綽夫君是膺柱下準繩有望名器無假寵蓋伯
山氣雄公雅立朝正色俟我能者

載懷朋情嘗接閑宴好洽昆弟官聯州縣如彼松
竹春榮冬蒨柯葉藹然不渝霜霰

會合非我關山坐遠離鴻曉引別業秋飛駢驂徐
動樽餞相依遠情超忽岐路光輝

金石其心芝蘭其室言語方間音徽自溢蕭子風
威嚴子霜質贈言歲暮以保貞吉

乙籤八十七

賈曾洛陽人景雲中吏部員外郎開元初拜中書

舍人終禮部侍郎嘗與蘇晉同掌制誥以詞學見
知時稱蘇賈詩三篇

載文苑傳
志不著集

和宋之問下山歌

良遊晚晚兮月呈光錦路逶迤兮山路長王孫不
留兮歲將晏嵩巖仙草兮爲誰芳

孝和皇帝挽歌

新命千齡啓鴻圖累聖餘天行應潛曜帝出受圖
書禮若傳堯舊功疑復夏初夢遊長不返何國是
華胥

奉和春日出苑矚目應令

時爲太子舍人
使在東都作

銅龍曉闢問安廻金輅春遊博望開渭水晴光搖
草樹終南佳氣入樓臺招賢已從商山老托乘還
徵鄴下才臣在東周獨留滯忻逢睿藻日邊來

乙籤八十八

閻丘均成都人以文章著稱安樂主薦拜太常博士
主敗貶循州司倉集十卷

唐志云二十卷本
傳云十卷宋志入今

存詩一篇

臨水亭

高館基曾山微羃生花草傍對野村樹下臨車馬
道清朗悟心術幽遐備瞻討廻合峯隱雲聯綿渚

縈島氣似滄洲勝風爲青春好相及盛年時無令
歎衰老

乙籤八十九

李邕字泰和江都人少知名拜左拾遺開元初爲
殿中侍御史執政忌其才望頻被貶斥後爲北海
太守李林甫傳以罪杖死邕尤長碑頌中朝衣冠
及天下寺觀多齋持金帛求其文納餽至鉅萬集
七十卷趙明誠金石錄云邕嘗撰六公咏杜子美
所云朗吟六公篇發來發蒙蔽是也晚得
石本文辭尚古真一代佳作董道亦云今存詩四
刻石在荊州文尚不刊今搜訪未獲

篇

銅雀妓

西陵望何及絃管徒在茲誰言死者樂但令生者
悲丈夫有餘志兒女焉足私擾擾多俗情投迹互
相師直節豈感激荒淫乃淒其潁水有許由西山
有伯夷頌聲何寥寥唯聞銅雀詩君舉良未易永
爲後代嗤

綵雲驚歲晚繚繞孤山頭散作五般色凝爲一段
愁影雖沉澗底形在天際遊風動必飛去不應長
此留

登歷下古城員外孫新亭

亭對鵲河時李之芳自尚書郎出爲

齊州製此亭

吾宗固神秀體物寫謀長形制開古跡曾冰延樂
方太山雄地理巨壑眇雲莊高興汨煩促永懷清
典常含引知四大出入見三光負郭喜秔稻安時
歌吉祥

奉和初春幸太平公主南莊應制

傳聞銀漢支機石復見金輿出紫微織女橋邊鳥
鵲起仙人樓上鳳凰飛流風入座飄歌扇瀑水侵
階濺舞衣今日還同犯牛斗乘槎共逐海潮歸

卷終

乙籤九十

唐音統籤卷七十六

趙冬曦定州人性放達不屑世事開元初爲監察御史坐事流岳州時張燕公說謫刺其州與倡和爲多後召還復官累中書舍人以國子祭酒卒詩

一卷

唐志云
集卷八

陪張燕公登南樓

寬慰何以歡陰氛亦登望孤島輕霧裏行舟白波上日熒西北雲心醉東南嶂昔日青谿子胡然此無狀

酬燕公出湖見寄

綸紱有成命旌麾不可攀湘川朝日斷荆闕夕波
還果枉東瞻唱興言夕放闕攜琴仙洞中置酒漉
湖上芳景恣行樂謫居忽如忘聚散本相因離情
自悲悵鸞翮非常戢鵬天會昭曠永懷宛洛游曾
是彈冠望

奉和張燕公早霽南樓

方曙躋南樓凭軒肆遐矚物華蕩暄氣春景媚晴
旭川霽湘山孤林芳楚郊繹列巖重疊翠遠岸透
迤綠風帆摩天垠魚艇散灣曲鴻歸鶴舞送猿叫
鶯聲續羣動皆熙熙噫予獨羈束常欽才子意忌

鵬傷蹢躅雅尚騷人文懷沙何迫促未知二賢意
去矣從所欲

澗湖作

并序

巴丘南澗湖者蓋沅湘澧汨之餘波焉茲水也
淪匯洞庭澹澹千里夏潦奔注則洑爲此湖冬
霜既零則澗爲平野按爾雅云水反入爲澗斯
名之作有由焉爾而此鄉炎暑子月草生彌望
青青相與遊藉豈盈虛之可歎亦
風景之多傷感物增懷因書其事

三湖返入兩山間畜作澗湖灣復灣暑雨奔流潭
正滿微霜及潦水初還水還波卷路潭涸綠草芊
芊岸蘄岸適來飛棹共廻旒已復揚鞭恣行樂道
傍耆老步蹢蹢楚言茲事不知年試就湖邊披草

徑莫疑東海變桑田君訝今時盡陵陸我看明歲
更淪漣來今自昔無終始人事廻環常若是應一作
懸思闕下聲華日誰謂江潭旅遊子初貞正喜固
當然往蹇來譽宜可俟盈虛用捨輪輿旋勿學靈
均遠問天

和燕公岳州山城

爲吏恩猶舊投沙惠此蒙江邊攸爾處泗上宛然
同訪道精言合論經大義通鳴琴有真氣况已沐
清風

同燕公秋夜遊澠湖二首

政理常多暇，方舟此泝洄。
吹笙虛洞答，舉楫便風催。
山暗雲猶辨，潭幽月稍來。
清谿無數曲，未盡莫先迴。

煙靄夕微蒙，幽灣賞未窮。
艤舟待初月，褰幌招遠風。
鶴聲聒前浦，漁火明暗叢。
東山雲壑意，不謂爾來同。

陪燕公遊澠湖上寺

江外多山水，招要步馬來。
琴將天籟合，酒共鳥歌諧。
一作催巖坐攀紅藥谿，行愛綠苔所懷非此地遊望亦裴徊。

答張燕公翻著葛巾見呈之作

美酒值芳春醒余氣益真降歡時倒履乘興偶翻
巾徐榻思方建左車理自均傲然歌一曲一醉濯
纓人

奉答燕公二首

語別意淒淒零陵湘水西佳人金谷返愛子洞庭
迷舊館逢花發他山值鳥啼江天千里望誰見綠
蘋齊

誰道零陵守東過此地遊友僚同省閣昆弟接荆
州我逐江潭鴈君隨海上鷗屢傷神氣阻久別鬢

毛秋疑嶺春應遍陽臺雨欲收主人情未盡高駕
少淹留

奉和聖製同二相已下羣官樂遊園宴

爽塏三秦地芳華二月初
醑承奠璧罷宴是合錢
餘柳翠垂堪結桃紅卷
欲舒從容會鵷鷺延蔓
戲龍魚喜氣流雲物歡
聲浹里閭聖恩將報厚
請述
記言書

奉和聖製答張說扈從南出雀鼠谷

軒轅應順動力牧正趨
陪道會殿爲礪時行楚
有材省方西禮說振旅
北京廻地理分中壤天
文照

上台寒依汾谷去春入晉郊來竊比康衢者長歌
仰大哉

奉和聖製送張說上集賢學士賜宴賦得蓮
字

淺術方觀海深恩忽見天學開丹殿籍名與石渠
賢良輔膺休命微生謬采甄春餘仍哢鳥夏近未
舒蓮牋札來宸禁衣冠集詔筵史臣知醉德欲記
升中年

陪張燕公行郡竹籬

良臣乃國寶麾守去承明外戶人無閉浮江獸已

行隨來晉盜逸民化蜀風清郭郭從彝典州閭荷
德聲小人被天渥流落巴丘城所賴中和作優游
鑿與耕

和燕公別澠湖

南湖美泉石君子翫幽奇灣澳陪臨泛巖崕共踐
窺秋風蘋桂竦春景綠楊垂郢路委分竹湘濱擁
上麾枉帆懷勝賞留景惜差池水木且不棄情遊
良可知

奉酬燕公見歸田賦垂贈之作

窮鳥嬰籠綴孤飛任播遷鷦鷯王佐用復此挫冲

天楚雲何掩鬱湘水亦迴遑懷哉愧木鴈忽爾枉
蘭荃愈疾同枚叔銷憂比仲宣歸途書可畏弱操
石猶堅覆載雖云廣潯陽直塊然

和張燕公耗磨日飲

上月今朝減流傳耗磨辰還將不事事同醉俗中
人

又說集載和詩二首前首注趙作此首
失名紀事以此首爲趙作姑兩存之

春來半月度俗忌一朝閑不酌他鄉酒無堪對楚
山

乙籤九十一

唐音統籤卷七十七

宋璟邢州人博學工文翰則天朝累轉鳳閣舍人
神龍中拜黃門侍郎睿宗朝遷吏部尚書同中書
門下三品開元中拜侍中累封廣平郡公遷尚書
右丞相致仕璟耿介有大節立朝屢忤權嬖被貶
逐卒不改其操集十卷宋志臣
慕宋廣平疑其鐵石心腸
賦清便富豔得南朝徐庾之體
不能吐婉媚辭然觀其文有梅花
今存詩六篇

奉和聖製同二相已下羣官樂遊園宴

侍飲終酺會承恩續勝遊戴天惟慶幸選地卽殊
尤北向祗雙闕南臨賞一丘曲江新溜暖上苑雜

花稠疊疊韶絃屢戔戔貴帛周醉歸填畛陌榮耀
接軒裘

奉和聖製答張說扈從南出雀鼠谷

秦地雄西夏并州近北胡禹行山啓路舜在邑爲
都忽視寒暄隔深思險易殊四時宗伯敘六義宰
臣鋪徵作官常應星環日每紆盛哉逢一作隆道合
良以致亨衢

奉和御製璟與張說源乾曜同日上官命宴

都堂賜詩應制

按本傳開元十七年璟爲尚書右丞相張說爲左丞相源

乾曜爲太子少傅同日拜有詔太官設饌太常奏樂會百官尚書省東堂帝賦三策

詩自寫
以賜

丞相邦之重非賢諒不居老臣慵且憊何德以當
諸厚秩先爲忝崇班復此除太常陳禮樂中掖降
簪裾聖酒山河潤仙文象緯舒冒恩懷寵錫陳力
省空虛郭隗慙無駿馮謖愧有魚不知周勃者榮
幸定何如

奉和聖製送張說巡邊

帝道薄

一作薄

存

兵王師尚有征是關司馬法爰命

總戎行畫闔崇威信分麾盛寵榮聚觀方結轍出
祖遂傾城聖酒江河潤天詞象緯明德風邊草

勝氣朔雲平宰國推良器爲軍挹壯聲至和常得
體不戰卽亡精以智泉寧竭其徐海自清遲還廟
堂坐贈別故人情

蒲津迎駕

回鑾下蒲坂飛旆指秦京額上黃雲送關中紫氣
迎霞朝看馬色月曉聽雞鳴防拒連山險長橋壓
水平省方知化洽察俗覺時清天下長無事空餘
襟帶名

送蘇尚書赴益州

我望風煙接君行霰雪飛園亭若有送楊柳最依

依

乙籤九十二

姚崇

本名元崇

陝州人武后朝以夏官侍郎知政事睿

宗時爲中書令玄宗以爲兵部尚書同中書門下

三品復遷紫微令稱開元名相集十卷

宋志

今存

詩五篇

故洛陽城侍宴應制

遊豫停仙蹕登臨對晚晴川
鳥遶倒影巖鳥應虛聲
野奏風成曲山居雲作纓
今朝丘壑上高興小蓬瀛

春日洛陽城侍宴

南山開寶曆北瀟對芳蹕的歷風梅度參差露草
低堯樽臨上庸舜樂下前溪任重由來醉乘酣志
轉迷

秋夜望月

明月有餘鑒羈人殊未安桂含秋樹晚波入夜池
寒灼灼雲枝淨光光草露團所思迷所在長望獨
長歎

夜渡江

一作柳
中庸詩

夜渚帶浮煙蒼茫晦遠天舟輕不覺動纔急始知

牽聽草遙尋岸聞香暗識蓮唯看孤帆影常似客
心懸

奉和聖製龍池篇

互見辛
籤樂章

恭聞帝里生靈沼應報明君鼎業新旣協翠泉光
寶命還符白水出真人此時舜海潛龍躍此地堯
河帶馬巡獨有前池一小鴈叨承舊惠入天津

句

扇掩將雛曲釵承墮馬鬟

應制詩
海錄碎事

卷終

乙籤九十三

唐音統籤卷七十八

張九齡字子壽韶州曲江人七歲知屬文擢進士
拜校書郎玄宗東宮策士登高第遷左拾遺累進
中書舍人出都督洪桂二州按察嶺南以張說薦
爲集賢院學士俄拜中書侍郎同平章事遷中書
令爲李林甫所忤改尚書右丞相罷政事仍貶荆
州長史請歸卒贈荊州大都督諡文獻九齡風度
醜藉爲相極言得失推引皆正人有大節以直道
黜不戚戚嬰孽惟文史自娛嘗識安祿山必反請
誅不許後玄宗思其言遣使致祭卹其家集二十

卷

唐宋

內詩五卷

姚子彥行狀云公以風雅之道

時皆調誦焉

鄧開集序云

曲江公詩其言造道

雖正中滌體合風騷

杜甫七哀論其詩云

詩罷

地有餘篇終語清省

自我一家則未缺隻字警

解皎然讀曲江集詩云立程正類靡釋思何縱橫

飄然飛動姿應矣

高簡情始欣耳口

連再使幾慮

清徐獻忠曰曲江

藻思翩翩體裁疎秀

探綜古

意通於遠調上追

漢魏下開盛唐

雖風神稍劣而

詞旨冲融其源蓋

出於古之平調

曲近體諸作綺

密閑澹復持格力

可謂備其衆美

四言古詩

奉和聖製燭龍齋祭

上帝臨下鑒亦有光孰云陰陽惟聖克彰六月徂

暑四郊愆陽我后其勤告于壇場精意允溢羣靈

鼓舞蔚以

一作兮

朝雲霈然時雨雨我原田亦既有

年燭龍煌煌明宗報祀于以助之天人帝子聞詩
有訓國風茲始

奉和聖製喜雨

艱我稼穡載育載亭如

一作隨

物應之曷聖與靈謂

我何愚惟德之馨誰云天遠以誠必至太清無雲
羲和頓轡于斯蒸人瞻彼非覲陰冥倏忽霈澤咸
洎何以致之我后之感無臯無隰黍稷黯黯無卉
無木敷芬黶黶黃龍勿來鳴鳥不思人和年豐皇
心則怡豈與周宣雲漢徒詩

五言古詩

奉和聖製幸晉陽宮

隋季失天策萬方罹凶殘皇祖稱義旗三靈皆獲

安聖期將

一作朝特

申錫王業成艱難盜移未改命曆

在終履端彼汾惟帝鄉雄都信鬱盤一月朔巡狩

羣后陪清鑒霸迹在沛庭舊儀覩漢官唐風思何

深舜典敷更寬家

一作戶

蒙粉榆復邑爭牛酒歡緬

惟翦商後豈獨徵禹歎三后旣在天萬年斯不刊

尊祖實我皇天文皆仰觀

奉和聖製次成臯先聖禽建德之所

天命誠有集王業初惟艱翦商自文祖夷項在茲
山地識斬蛇處河臨飲馬間威加昔運往澤流今
聖還尊祖頌先列賡歌安用攀紹成卽我后封岱
出天關

奉和聖製謁玄元皇帝廟齋

興運昔有感建祠北山巔雲雷初締構日月今悠
然紫氣尚蔚鬱玄元心在焉追茲事追遠輪奐復
增鮮洞府香林處齋壇清漢邊吾君乃尊祖夙駕
此留連樂動人神會鐘成律度圓笙歌下鸞鶴芝
木萃靈仙曾是福黎庶豈唯味虛玄賡歌徒有作

微薄謝昭宣

奉和聖製賜諸州刺史以題座右

聖人合天德，洪覆在元元。每勞蒼生念，不以黃屋尊。
興化俟羣辟，擇賢守列藩。得人此爲盛，咨岳今復存。
降鑒引君道，殷勤啓政門。容光無不照，有象必爲言。
成憲知所奉，致理歸其根。肅肅稟玄猷，煌煌戒朱軒。
豈徒任遇重，兼爾宴錫繁。載聞勵臣節，持答明主恩。

奉和聖製送十道採訪使及朝集使

三年一上計，萬國趨河洛。課最力已陳，賞延恩復

博垂衣深其理改瑟其咸若首路迴竹符分鑣揚
木鐸戒程有攸往詔餞無淹泊昭晰動天文殷勤
在人瘼持久望茲念克終期所託行矣當自強春
耕庶秋穫

巫山高

巫山與天近煙景長青燄此中楚王夢夢得神女
靈神女去已久雲雨空冥冥唯有巴猿嘯哀音不
可聽

感遇十二首

蘭蕙

一作葉

春蕙糝桂華秋皎潔欣欣此生意自以

一作 爲佳節誰知林棲者聞風坐見悅草木有本

一作

心何求美人折

段咸式云桂花三月生黃而不自曲江云桂花秋皎潔妄

本無矣咸式博洽廣見

不知何緣有此駁

幽林

一作

歸獨卧滯慮洗孤清持此謝高鳥因之

傳遠情日夕懷空意人誰感至精飛沈理自隔何

所用

一作

慰吾誠

魚游樂處池鳥棲欲高枝嗟爾蜉蝣羽薨薨亦何
爲有生豈不化所感奚若斯神理日微滅吾心安
得知浩歎楊朱子徒然泣路岐

孤鴻海上來池潢不敢顧側見雙翠鳥巢在三珠

樹矯矯珍木巔得無金丸懼美服患人指高明逼
神惡今我遊冥冥弋者何所慕

吳越數千里夢寐今夕見形骸非我親衾枕卽鄉
縣化蝶猶不識川魚安可羨海上有仙山歸期覽
神變

西日下山隱北風乘夕流燕雀感昏旦簷楹呼匹
儔鴻鵠雖自遠哀音非所求貴人棄疵賤下士嘗
殷憂衆情累外物恕已忘內修感歎長如此使我
心悠悠

江南有丹橘經冬猶綠林豈伊地氣暖自有歲寒

心可以薦嘉客奈何阻重深運命惟所遇循環不
可尋徒言樹桃李此木豈無陰

永日徒離憂臨風懷蹇修美人何處所孤客空悠
悠青鳥跂不至朱鷺誰云浮夜分起躑躅時逝曷
淹留

抱影吟中夜誰聞此歎息美人適異方庭樹含幽
色白雲愁不見滄海飛無翼鳳凰一朝來竹花斯
可食

漢上有游女求思安可得袖中一札書欲寄雙飛
翼冥冥愁不見耿耿徒緘憶紫蘭秀空蹊皓露奪

幽色馨香歲欲晚
感歎情何極
白雲在南山
日暮長太息

我有異鄉憶宛在雲溶溶
憑此目不覩
要之心所鍾
但欲附高鳥
安敢攀飛龍
至精無感遇
悲惋填心
胃歸來扣寂寞
人願天豈從

閉門墮羣化
憑林結所思
嘯嘆此寒木
疇昔迺芳蕤
朝陽鳳安在
日暮蟬獨悲
浩思極中夜
深嗟欲待誰
所懷誠已矣
既往不可追
鼎食非吾事
雲仙嘗我期
胡越方杳杳
車馬何遲遲
天壤一何異
幽嘿卧簾帷

敘懷二首

弱歲讀羣史抗迹追古人被褐有懷玉佩印從負
薪志合豈兄弟道行無賤貧孤根亦何賴感激此
爲鄰

晚節從卑秩岐路良非一旣聞持兩端復見挾三
術木瓜誠有報玉楮論無實已矣直躬者平生壯
圖失去去勿重陳歸來茹芝朮

雜詩五首

孤桐亦胡爲百尺傍無枝疎陰不自覆脩幹欲何
施高岡地復迥弱植風屢吹凡鳥已相噪鳳凰安

得知

蘿蒿必有託風霜不能落酷在蘭將蕙甘從葵與
藿運命雖爲宰寒暑自迴薄悠悠天地間委順無
不樂

良辰不可遇心賞更蹉跎終日塊然坐有時勞者
歌庭前攬芳蕙江上託微波路遠無能達憂情空
復多

湘水弔靈妃斑竹爲情緒漢水訪游女解佩欲誰
與同心不可見異路空延佇浦上青松林津傍白
沙渚行吟至落日坐望祇愁予神物亦豈孤佳期

竟何許

木直幾自寇石堅亦他攻何言爲用薄而與火膏

同物類

一作累

有固然誰能取徑通纖纖良田草靡

靡唯從風日夜沐甘澤春秋等芳叢生性苟不夭
香臭誰爲中道家貴至柔儒生何固窮終始行一
意無乃過愚公

詠史

大德始無頗中智是所是居然已不一况乃務相
詭小道致泥難巧言因妻毀穰侯或見遲蘇生得
陰揣輕既長沙傳重亦邊郡徙勢傾不幸然跡在

胡寧爾滄溟所爲大江漢日來委澧

一作澄

水雖復

清魚鱉豈游此賢哉有小白讎中有管氏若人不
世生悠悠多如彼

晨坐齋中偶而成詠

寒露絜秋空遙山紛在矚孤頂乍脩聳微雲復相
續人茲賞地偏鳥亦愛林旭結念憑幽遠撫躬曷
騁束仰霄謝逸翰臨路嗟疲足徂歲方睽攜歸心
躑躅休閒儻有素豈負南山曲

龍門旬宴得月字韻

恩華逐芳歲形勝兼韶月中席傍魚潭前山倚龍

關花迎妙妓至鳥避仙舟發宴賞

一作衍

良在茲再

來情不歇

驪山下逍遙公舊居遊集

君子體清尚歸處有兼資雖然經濟日無忘幽棲
時卜居舊何所休澣嘗來茲岑寂罕人至幽

一作高

深獲我思松澗聆遺風蘭林覽餘滋往事誠已矣
道存猶可追遺子後黃金作歌先紫芝明德有自
來奕世皆秉彝豈與礪谿老崛起周太師我心希
碩人逮此問元龜惻悵既懷遠沈吟亦省私已云
寵祿過况在華髮衰軒蓋有迷復丘壑無磷緇感

物重所懷何但止足期

南陽道中作

登郢屬歲陰及宛惜所適復聞東漢主遺此南都
迹佳氣藹厥初霸圖紛在昔茲邦稱貴近與世嘗
薰赫遭遇感風雲變衰空草澤不識郢公樹猶傳
陰后石驅馬歷闔閭荆榛翳阡陌事去物無象感
來心不懌懷古對窮秋興言傷遠客眇默遵路岐
辛勤弊行役雲鴈號相呼林麕走自索顧憶徇書
劒未嘗安枕席豈暇墨突黔空持遼豕白迷復期
非遠歸歟賞農隙

江上遇疾風

疾風江上起，鼓怒揚煙埃。
白晝晦如夕，洪濤聲若雷。
投林鳥鰕羽，入浦魚曝腮。
瓦飛屋且發，帆快檣已摧。
不知天地氣，何爲此喧塵。

夏日奉使南海在道中作

緬然萬里路，赫曦三伏時。
飛走逃深林，流爍恐生疵。
行李豈無苦，而我方自怡。
肅事誠在公，拜慶遂及私。
展力慚淺效，銜恩感深慈。
且欲湯火蹈，况無鬼神欺。
朝發高山阿，夕濟長江湄。
秋瘴寧我毒，夏水胡不夷。
信知道存者，但問心所之。
呂梁有出入

乃覺非虛詞

使還都湘東作

姚子願行狀曰公所得奉祿悉歸鄉園先得賜物上表進

納其清約如此嘗賦詩曰清節往來苦壯容離別衰有以見公之情也

倉庚昨歸候陽鳥今去時感物遽如此勞生安可
思養真無上格圖進豈前期清節往來苦壯容離
別衰盛明非不遇弱操自云私孤櫟清川渚征衣
寒露滋風朝津樹落日夕嶺猿悲牽役而無悔坐
愁祗自怡當須報恩已終爾謝塵縉

彭蠡湖上

沿涉經大湖湖流多行洄決晨趨北渚逗浦已西

月二
日所適雖淹曠中流且閑逸瑰詭良復多感見乃
非一廬山直陽潯孤石當陰術一水雲際飛數峯
湖心出象類何交糾形言豈深悉且知皆自然高
下無相恤

出爲豫章郡途次廬山東巖下

茲山鎮何所乃在澄湖陰下有蛟螭伏上與虹蜺
尋靈仙未始曠窟宅何其深雙闕出雲峙三宮入
煙沈攀崖猶昔境種杏非舊林想像終古跡惆
悵獨往心紛吾嬰世網數載忝朝簪孤根自靡
託量力況不任多謝周身防常恐橫議侵豈匪鵷

鴻列惕如泉壑臨迨茲刺江郡來此滌塵襟有趣
逢樵客忘懷狎野禽棲閑義未果用拙歎在今願
言答休命歸事丘中琴

入廬山仰望瀑布水

絕頂有懸泉喧喧出煙杪不知幾時歲但見無昏
曉閃閃青崖落鮮鮮白日皎灑流濕行雲濺沫驚
飛鳥雷吼何噴薄箭馳入窈窕昔聞山下蒙今乃
林巒表物情有詭激坤元曷紛矯默然置此去變
化誰能了

臨泛東湖

時任
洪州

郡庭日休暇湖曲邀勝踐樂職在中和靈

一作心虛

挹上善乘流坐清曠舉目眺悠緬林與西山重雲
因北風卷晶明畫不逮陰影鏡無辨晚秀復芬敷
秋光更遙衍萬族紛可佳一遊豈能展羈孤忝邦
牧顧已非時選梁一作長公世不容長孺心亦福永
念出籠絜常思退疲蹇歲徂風露嚴日恐蘭苕剪
佳辰不可得良會何其鮮罷興還江城閉關聊自
遣

湘中作

湘流繞南嶽絕目轉青青懷祿未能已瞻途屢所

經煙嶼宜春望林猿莫夜聽永路日多緒孤舟天
復冥浮沒從此去嗟嗟勞我形

巡屬縣道中作

春令夙所奉駕言遵此行途中却郡慘林下招村
氓至邑無紛劇來人但歡迎豈伊念邦政爾實在
時清短才濫符竹弱歲起柴荆再入江村道永懷
山藪情矧逢陽節獻默聽時禽鳴迹與素心別感
從幽思盈流芳日不待夙志蹇無成知命且何欲
所圖唯退耕華簪極身泰衰鬢慙木榮苟得不可
遂吾其謝世嬰

巡按自灘水南行

理棹雖云遠，飲冰寧有惜。况乃佳山川，怡然傲潭石。
奇峯岌前轉，茂樹隈中積。猿鳥聲自呼，風泉氣相激。
目因詭容逆，心與清暉滌。紛吾謬執簡，行郡將移檄。
卽事聊獨歡，素懷豈兼適。悠悠詠靡盬，庶以窮日夕。

歲初巡屬縣登高安南樓言懷

山城本孤峻，憑高結層軒。江氣偏宜早，林英粲已繁。
餘滋含宿霽，眾壑在朝暾。拂衣釋簿領，伏檻遺紛喧。
深俯東谿澳，遠延南山樊。歸雲納前嶺，去鳥

投遙材目盡有餘意心惻不可諉竭來彭蠡澤載
經敷淺原春及但生思時哉無與言不才叨過舉
唯力酬明恩美化猶寂○迅節徒飛奔雖無成立
効庶以去思論行復徇孤迹亦云吾道存

冬中至玉泉山寺屬窮陰冰閉崖谷無色及
仲春行縣復往焉故有此作

靈境信幽絕芳時重暄妍再來及茲勝一遇非無
緣萬木柔可結千花敷欽然松間鳴好鳥竹下流
清泉水壁開精舍金光照法筵真空本自寂假有
聊相宣復此灰心者仍追巢頂禪簡書雖有畏身

世亦相捐